


Conceyu de la Gaita

Proyeutu Bancu de Partitures

El **Proyeutu Bancu de Partitures** ye una propuesta de la **Estaya Didáctica** del Conceyu de la Gaita. L'enfotu del proyeutu ye afitar una coleición de partitures pa gaita asturiana accesible pa tol mundu dende la páxina web del Conceyu, apurries por gaiteres y gaiteros. Trátase d'una collaboración altruista, voluntaria y fecha a comuña pa contribuyir a la difusión llibre de materiales diversos y arriquecer el repertoriu de gaita asturiana.

Nesta primer fase del proyeutu plantegamos a cada participante apurric **dos partitures** pa gaita asturiana, poniendo l'enfotu n'obres de **composición nueva o trescripciones** de repertoriu (tradicional o non) que nun tea conteníu en publicaciones yá asoleyaes, a ser posible. Les partitures van tar protexies por llicencia Creative Commons, pa garantizar el respetu de l'autoría al difundir el material na rede.

Pa tratar d'ufrir un formatu lo más estandarizáu posible nestes partitures, plantegamos la siguiente **guía d'estilu** qu'apurrimos darréu. Pidímoste esti esfuerzu d'estandarización pa presentar de la manera más homoxénea y reconocible los materiales.

Títulu (Cambria 26) <i>Fuente d'onde se trescribe (años nac.-muerte del gaiteru)</i> (Cambria 14 cursiva) Instrumentu (Cambria 12) Autor/a (Cambria 12) Trescriptor/a: (Cambria 12) Licencia d'esta versión: (consultar Creative Commons) Cambria 12 Acordase de usar la clave de sol octavada!  	2 (Cambria 12) Títulu restu pax. (Cambria 12)  
--	--

(Esta partitura de muestra tiesla en pdf na carpeta de drive)



CONCEYU DE LA GAITA

Conceyu de la Gaita

Proyeutu Bancu de Partitures

- La partitura nun tien que tar fecha con un **software** determináu, namás ties qu'axustala al formatu propuestu col programa d'edición de partitures qu'emplegues davezu (Finale, Musescore, Encore, etc.).
- La clave más apropiada pa la música de gaita ye la **Clave de Sol Octavada**, dao que na gaita les altures suenen una octava perriba de lo qu'escribimos (ver imaxe).
- Los **campos de testu** que toles partitures tienen que presentar han ser los que siguen:

Campu de testu	Descripción	Fonte y tamañu de lletra
Títulu	Nome de la obra	Cambria 26
Sotítulu	Fonte de la que s'estrái la obra (ver desplicación).	Cambria 14 cursiva
Instrumentu	Gaita asturiana	Cambria 12
Autor/a	Compositor nel so casu. Si non, "Tradicional", "Popular" o asemeyao, la forma que se considere más adecuada.	Cambria 12
Trescriptor/a	Persona qu'escribe esta partitura	Cambria 12
Llicencia CC d'esta versión	Códigu de la llicencia Creative Commons qu'axudicamos a la partitura (ver desplicación)	Cambria 12
Títulu (2ª pág. y siguientes)	Títulu de la obra nel casu de ser delles páxines.	Cambria 12
Númeru (más de 1 pág.)	Númeru de páxina nel casu de tener delles.	Cambria 12
Pie de páxina	Logotipu centráu del Conceyu de la Gaita (archivu disponible na carpeta de Drive)	

- **Sotítulu:** Si ye una trescripción de repertoriu tradicional, referiremos al músicu del que te recoyida la melodía (nome completu, nomatu y feches de nacimientu/fallecimientu, de conocelos), el CD onde te enrexistrada o l'archivu etnográficu del que s'estraiga.

Exemplu: Del repertoriu de José Picos Vega "Casina" (1882-1964). Archivu Musée d'Etnographie de Gêneve (MEC).



Conceyu de la Gaita

Proyeutu Bancu de Partitures

- **Autoría:** Indica'l compositor de la melodía o si ye tradicional, l'ámbitu xeográficu de la melodía.
Exemplu: Tradicional asturiana. Conceyu de Cangas del Narcea.
- Llogotipu a pie de páxina: Dalgunos editores como Encore nun permiten enxertar imáxenes nos proyeutos. Nesos casos, dempués d'esportar la partitura a formatu pdf, dende Adobe Acrobat pue incluyise la imáxen calcando en Edición>Editar texto e imáxenes. Selecciones la imáxen, das-y el tamañu adecuáu y colóquesla centrada na parte inferior del documentu.
- Les **llicencies Creative Commons** ufren soluciones téuniques, llegalles y polítiques que permiten compartir la educación, la cultura y la ciencia d'interés públicu de manera abierta. Nel siguiente enllaz puedes consultar más información y ver qué llicencia s'axusta más a la to partitura en función de los permisos que quieras otorga-y (<https://chooser-beta.creativecommons.org>). Na partitura incluiremos el códigu xeneráu.
Exemplu: Llicencia d'esta versión: CC BY-NC-ND 4.0)
- Nun ye necesario incluyir la **ornamentación** na partitura si nun quies. Della xente nun ornamenta les partitures dexando llibertá al intérprete, siéntite llibre de facelo al xeitu al que tes más avezáu/ada.
- **Unviu de la partitura:** una vez axustada a esti formatu, fainos llegar la partitura en formatu pdf a info@conceyudelagaita.com indicando'l to nome y que dones la partitura pal Proyeutu Bancu de Partitures.
- Pa finir, si tienes dalguna dulda o problema a la hora d'editar la to partitura, nun dexes d'entruganos y trataremos d'echate un gabitu dende'l Conceyu na midida de lo posible.

¡Munches gracias por participar nel Proyeutu Bancu de Partitures del
Conceyu de la Gaita!

